

12-րդ շաբաթ

Թեմա՝ «Հայաստան և հայերեն»

Ա. Ստորև տրված հարցերի օգնությամբ կառուցել 5-10 բույսերի տևողությամբ բանավոր տեքստ և ներկայացնել այն լսարանին:

Հարցեր՝

1. Որտե՞ր է գտնվում Հայաստանը:
2. Ի՞նչ բնություն ունի:
3. Ի՞նչ տեսարժան վայրեր կան Հայաստանում:
4. Որո՞նք են Հայաստանի քաղաքները:
5. Ովքե՞ր են ապրում Հայաստանում:
6. Ինչո՞վ են զբաղվում մարդիկ Հայաստանում:
7. Ի՞նչ հիմնական տարբերություններ կան ձեր երկրի և Հայաստանի միջև:
8. Ի՞նչ լեզվով են խոսում Հայաստանում:
9. Ի՞նչ գիտեք հայերենի պատմության մասին:
10. Ի՞նչ նմանություններ կան ձեր լեզվի և հայերենի միջև:

Տեքստ կազմելիս ըստ ցանկության օգտվել առաջարկվող բառերից, բառակապակցություններից և այլ արտահայտություններից:

Կիրառելի բառեր և արտահայտություններ՝

հանրապետություն	տարածք
լեռներ	ազգեր
լճեր	թանգարաններ
գետեր	փողոցներ
ծորեր	մշակույթ
վանքեր	արվեստ
բերդեր	արդյունաբերություն
խաչքարեր	տնտեսություն

Բ. Յուրաքանչյուր ուսանողի ներկայացրած տեքստի հիման վրա, այլ տեղեկություններ ստանալու կամ տրված տեղեկությունը ճշգրտելու նպատակով տալ և ստանալ լրացուցիչ հարցեր՝ երկխոսելով մյուս ուսանողների հետ:

Բնագրի նմուշ՝

Հայաստանը (պաշտոնական անվանումը՝ Հայաստանի Հանրապետություն), Իրանի, Չինաստանի, Հունաստանի, Եգիպտոսի և Ճապոնիայի հետ միասին, աշխարհի վեց հնագույն երկրների կազմում է, որոնք կարողացել են անցնել հազարամյակների միջով և հասնել մինչև մեր օրերը: Ինչպես նաև առաջին երկիրն է, որը քրիստոնեությունն ընդունել է որպես պետական կրոն: Գտնվում է արևմտյան Ասիայում, Անդրկովկասի հարավում: Սահմանակից է Վրաստանին (սահմանի երկարությունը՝ 219 կմ), Ադրբեջանին (566 կմ), Իրանին (44 կմ), Թուրքիային (311 կմ): Կառավարման

ձևը՝ Նախագահական հանրապետություն: Նախագահն է Սերժ Ազատի Սարգսյանը:

Տարածքը՝ 29.743 քառ. կմ: Հայաստանի մայրաքաղաքն է Երևանը, զբաղեցնում է 300 քառ. կմ տարածք: Պետական լեզուն հայերենն է: Հայաստանի Հանրապետությունն ունի 10 վարչական մարզ՝ Արագածոտնի, Արարատի, Արմավիրի, Գեղարքունիքի, Կոտայքի, Լոռու, Շիրակի, Սյունիքի, Վայոց ձորի, Տավուշի մարզերը և Երևան քաղաքը՝ որպես առանձին վարչական միավոր: Խոշոր քաղաքներն են՝ Երևան, Գյումրի, Վանաձոր, Կապան, Արմավիր, Գավառ, Էջմիածին, Իջևան, Հրազդան:

Ամենաբարձր լեռնագագաթն է Արագածը (4094 մետր): Սևանա լճի մակերեսը՝ 4.890 քառ. կմ, ծովի մակերևույթից բարձրությունը՝ 1900 մ: Հայերեն (ավանդական՝ հայերեն), հնդեվրոպական լեզվաընտանիքի առանձին ճյուղ հանդիսացող լեզու:

Հայաստանի և Արցախի պետական լեզուն է:

Իր շուրջ հինգհազարամյա գոյության ընթացքում հայերենը շփվել է տարբեր ժողովուրդների, բազմաթիվ լեզուների հետ, սակայն պահպանել է իր ինքնուրույնությունը, քերականական կառուցվածքի և բառապաշարի (բառային ֆոնդի) ինքնատիպությունը:

Հայոց լեզվով ստեղծվել է մեծ գրականություն: Գրաբարով է ավանդված հայ հին պատմագրությունը, գիտափիլիսոփայական, մաթեմատիկական, բժշկագիտական, աստվածաբանական-դավանաբանական գրականությունը: Միջին գրական հայերենով են մեզ հասել միջնադարյան հայ քնարերգության գլուխգործոցները, բժշկագիտական, իրավագիտական նշանակալի աշխատություններ: Գրական նոր հայերենի արևելահայերեն ու արևմտահայերեն գրական տարբերակներով ստեղծվել է գեղարվեստական, հրապարակախոսական ու գիտական բազմատիպ ու բազմաբնույթ հարուստ գրականություն:

Աղբյուրներ՝ <https://exploreamenia.am/hy/information/about-armenia.html>

hy.wikipedia.org/wiki/Հայերեն